

皇
明
制
書

欽差巡撫保定等府地方兼提督紫荆等關

都察院右副都御史

臣張鹵為恭刊

皇明制書事為照欽惟我

太祖開天

成祖繼極

列聖相承其成法布在方策真損益百王昭

鑒千古凡我臣民固宜是訓是彝家傳

人誦但今禮文法家條格日繁雖歸會

有極無非所以脩明

成憲譬之時文繁盛經旨轉迷而於所謂
法制本原容有未覩臣撫臨茲地嘗因事欽

誦

孝慈錄序語以告所嘗欽遵之人又以語諸
一二士大夫皆若未達適大名數縣屬
官相見詰之亦皆以為未見刻本因嘆
孔子居處必稱周之先王憲章必歸周
之文武今天下冗詞濫刻充宇汗牛不
可勝記至我

祖宗二百年所為昭回雲漢之典章及我臣
民憶萬年所當淪浹肌髓之遵守尚有
欲見其書而不可得之人即於法制所
關殊誠非細故除

祖訓

聖學為

聖子神孫之心授

御文

宸翰為

木天石室之珍藏皆不敢泛及其

列聖相承

御製節年頒布科條亦不敢續載謹恭取大明令等拾肆書分為貳拾冊因恭思得日月光天德山河壯帝居太平無以報恭上萬年書即以此詩編為書幘貳拾字號不惟用以識別卷帙亦且因以借見所以刻茲編之意為此案仰本府當該官吏照案驗內事理即動支本院無

礙官銀庀具書板材木招集善書及善
刊刻人役工匠一面估計應該工價工
食銀數若干申奪一面刻期程事務要
刊刻字樣及規畫書式精緻整齊以共
成圖所為欽承敷布之意抄案依准申
來

皇明制書

巡撫保定等府兼提督紫荆等關都察院右副都御史張國璠

大明令

洪武元年正月十八日欽奉

聖旨朕惟律令者治天下之法也令以教之于先律以齊之於後古者律令至簡後世漸以繁多甚至有不能通其義者何以使人知法意而不犯哉人既難知是

啓吏之奸而陷民於法朕甚憫之今所
定律令芟繁就簡使之歸一直言其事
庶幾人人易知而難犯書曰刑期于無
刑天下果能遵令而不蹈於律刑措之
効亦不難致茲命頒行四方惟爾臣庶
體予至意欽此

皇明制書

大明令卷之一

吏令

凡在流品人員。果有文武長才。通曉治體。廉潔者。臺憲官具實跡。

奏聞

凡內外大小官員。年七十者。聽令致仕。其有

特旨選用者。不拘此限。

凡內外管屬衙門官吏有係父子兄弟叔姪者皆須從卑迴避。

凡流官注擬並須迴避本貫。

凡各處府州縣官員任內以戶口增田野闢為尚所行事蹟從監察御史按察司考覈明白開坐實跡申聞以憑黜陟。

凡有司合設司吏每名下許保貼書貳名。

應天府司吏壹拾陸名

各府以秋糧為額

貳拾萬石之上壹拾肆名

壹拾萬石之上壹拾名

壹拾萬石之下捌名

各州以秋糧為額

壹拾萬石之上壹拾名

伍萬石之上捌名

伍萬石之下陸名

各縣不拘糧額並設陸名

凡府州縣長官到任。須要將交割前官應有戶口田糧總數先申上司轉達都省以憑考驗

凡內外衙門公事小事。伍日程中事。七日程大事。十日程並要限內結絕。若事干外郡官司追會。或踏勘田土者。不拘常限。

凡內外諸衙門公事。當該掾吏每日

一勾銷首領官每旬一檢舉各省檢校官每季一檢校遲者隨事舉行錯者依例改正

凡各衙門官吏人等如有爭論婚姻錢債田土等事許令家人陳告毋得擅動公文違者以不應論罪

凡中書省吏房行止科置立文簿一扇編排字號當該掾典掌管首領官一員提調將在選官員各三代年甲

籍貫歷事根脚到任考滿得代改除
月日資品等第逐一備細附寫以憑
照勘如有漏附者依律治罪

凡諸衙門官吏照刷出遲錯公罪未
曾決罰或得代改除遷發者皆聽罰
贖丁憂致仕黜革者勿論

凡官吏丁憂除公罪不問外其犯職
罪及係官錢糧依律勾問

凡各處任滿官員湏要隨即將帶家

小起離任所親齋解由到省次日引見如到來當該房分不行引見問罪凡各處府州縣有司官員在任三年不許注代許令親齋三載任內行過事蹟赴京朝覲如無窺避依舊復任其佐二官首領官一體三載來朝如一時勾當者輪換前來

凡公事失錯自覺舉者免罪同僚應連坐者一人覺舉餘人皆免罪其斷

罪差錯已論決者不用此令。

凡文職在京官以叁拾月為一考。每一考陞一等。外任官三週歲為一任。每一任陞一等。先儘考滿給由在選者銓注次及舉到人材。其正從四品不分內外陸拾月陞三品。正從三品非有司定奪其奉。

上命陞除者。除二品以上散官對品。其餘職事雖高散官仍從本等。

凡中書省大都督府御史臺及在京
諸衙門在外行中書省提刑按察司
掾令史書吏知印宣使奏差典吏貼
書及以下諸衙門吏員歷俸參拾月
為滿。

凡中書省大都督府御史臺在外行
中書省公使人今後曾充首領九十
月無過者於站官內銓注。

凡各衙門知印宣使奏差俱從吏論

職官補吏及各衙門未入流品首領官皆同。

戶令

凡各處漏口脫戶之人許赴所在官司出首與免本罪收籍當差。

凡嫡庶子男除有官蔭襲先儘嫡長子孫其分析家財田產不問妻妾婢生止依子數均分姦生之子依子數量與半分如別無子立應繼之人為

嗣與姦生子均分無應繼之人方許承紹全分。

凡嫁娶皆由祖父母父母主婚。祖父母父母俱無者從餘親主婚。若夫亡携女適人者其女從母主婚。若已定婚未及成親而男女或有身故者不追財禮。其定婚夫作盜及犯徒流移鄉者女家願棄聽還聘財。其定婚女犯姦經斷夫家願棄者追還聘財。伍

年無故不娶。及夫逃亡過三年不還者。並聽經官告給執照。別行改嫁。亦不追財禮。

凡無子者。許令同宗昭穆相當之姪承繼。先儘同父周親。次及大功小功。總麻。如俱無方。許擇立遠房。及同姓為嗣。若立嗣之後。却生親子。其家產與元立均分。並不許乞養異姓為嗣。以亂宗族。立同姓者。亦不得尊卑失

序以亂昭穆。

凡婦人夫亡無子。守志者合承老分。須憑族長擇昭穆相當之人繼嗣。其改嫁者夫家財產及原有粧奩並聽前夫之家為主。

凡招婿須憑媒妁。明立婚書。開寫養老或出舍年限。止有一子者不許出贅。如招養老女婿者。仍立同宗應繼者一人承奉祭祀。家產均分。如未立

繼身死從族長依律議立。

凡戶絕財產果無同宗應繼者所生親女承分無女者入官。

凡妻犯七出之狀有三不去之理不得輒棄犯姦者不在此限。

七出

無子

淫佚

不事舅姑

多言

盜竊

妬忌

惡疾

三不去

與更三年喪 前貧賤後富貴
有所娶無所歸

凡買賣田宅頭足務赴投稅除正課
外每契本一紙納工本銅錢肆拾文
餘外不許多取

凡民年八十之上止有一子若係有
田產應當差役者許令顧人代替出
官無田產者許存侍丁與免雜役

凡民間寡婦三十以前夫亡守志者五十以後不改節者旌表門閭除免本家差役。

凡客店每月置店曆一扇在內付兵馬司在外付有司署押訖逐日附寫到店客商姓名人數起程月日月終各赴所司查照如有客商病死所遺財物別無家人親屬者告官為見數行移招召父兄子弟或已故之人。嫡

妻識認給還。一年後無識認者入官。
凡諸色人等踏造酒麴貨賣者。須要
赴務投稅。方許貨賣。違者並依匿稅
科斷。其自行造酒家用者。麴貨不在
投稅之限。如賣酒之家。自無麴貨者。
須要收買。曾經投稅麴貨造酒貨賣。
依例辦納酒課。若係自行造麴者。其
麴亦須赴務投稅。

凡軍民醫匠陰陽諸色戶計。各以原

報抄籍為定不得妄行變亂違者治罪仍從原籍

凡祖父母父母在者子孫不許分財異居其父祖許令分析者聽

凡民間賦稅自有常額諸人不得於諸王駙馬功勲大臣及各衙門妄獻田土山場窰冶遺害於民違者治罪凡嫡孫為祖後而承廕入仕者祖亡服斬衰三年在官者依律奔喪丁憂

違者治罪

凡內外軍民官司並不得指以和顧和買擾害於民如果官司缺用之物照依時值財物兩平收買或客商到來中賣物貨並仰隨即給價如或減駁價值及不即給價者從監察御史按察司體察或赴上司陳告犯人以不應治罪

凡內外大小衙門非奉中書省明文

不得自擅科派中書省非奉

奏准亦不許科派

凡斛斗秤尺司農司照依中書省原
降鐵斗鐵升較定則樣製造發直隸
府州及呈中書省將發行省依樣製
造較勘相同發下所屬府州各府正
官提調依法製造較勘付與各州縣
倉庫收支行用其牙行市鋪之家須
要赴官印烙鄉村人民所用斛斗秤

尺與官降相同。許令行使。

凡典賣田土。過割稅糧。各州縣置簿附寫正官提調收掌。隨即推收年終通行造冊解府。毋令產去稅存。與民為害。

凡鰥寡孤獨。每月官給糧米三斗。每歲給綿布一疋。務在存恤。監察御史按察司官。常加體察。

凡男女婚姻。各有其時。或有指腹割

衫襟為親者。並行禁止。

凡各處解納。一應官物。除段疋必須經手局官頭目管解外。據軍需布貨等物。本處民人止令送物到縣。如物數多。本縣限七日內辨驗交收在官。隨即省會人戶回家。毋得生事刁蹬官府。應辦夫力差有職役人員管解至本府。各府亦依前限。驗收轉解赴行省。其行省差有職役人員。一同各

府解物人通行數解赴都省。所據各處官司置立勘合文簿。凡遇解物應合差夫并撥船隻驗物多寡書填名數。差遣並不差撥原納物里長人戶送納。違者俱以不應論罪。

禮令

凡在朝班次。各依品從。毋得差錯。違者從糾儀官舉罰。

凡進賀

表箋文詞皆須典雅端楷細書僉名用印。不許犯應合迴避字樣。其袂匣封裹拜送依見行儀式。

凡文武官員公服各依品從不得用。僭一公服俱右袵。

一品紫羅服大獨科花直徑五寸

二品紫羅服小獨科花直徑三寸

三品紫羅服散搭花直徑二寸

四品五品紫羅服小雜花。直徑一寸五分

六品七品緋羅服小雜花直裰一
八品九品綠羅服魚花紋

未入流品檀褐綠窄衫

一帶俱用紅鞋

一品玉帶

二品花犀帶

三品四品荔枝金帶

五品至九品烏角帶

未入流品者黑角束帶

以上俱展角幞頭

凡官員祖父母年及七十，果無以次人丁，自願離職侍養者，聽親終服滿，方許求叙。

凡孝子順孫、義夫節婦、志行卓異者，有司正官舉明，監察御史按察司體覆轉達上司，正官旌表門閭。

凡喪服等第並依舊制。

斬衰三年

斬衰者用至，衾麻布不縫，下邊謂之斬衰。

子為父

嫡孫為祖後者為祖為曾高後者亦同

女在室為父已許嫁同

女嫁及在父室為父謂父喪期年內被出者

父為嫡子 妻為夫

妾為主 為夫之父

為人後者為所後父過房與人做孩兒為後父

齊衰三年齊衰者亦用稍細麻布縫下邊謂之齊衰

子為母父在同

女在室為母已許嫁同

為祖後者祖卒為祖母為曾高後者亦同

母為長子

女嫁及在室為母謂母喪期年內被出者

婦為夫之母 繼母與母同

慈母與母同 繼母為長子

妾為主之長子

為人後者為所後母過房與人做孩兒為後母

齊衰杖期

父卒母嫁及出妻之子為母報服亦同

為祖後者祖在為祖母為曾高後者亦同

父卒嫡繼慈養母歸宗為之服若

改嫁從者為之服報服亦同

夫為妻

齊衰期年

為祖父母父所生庶母亦同

為伯叔父母 為兄弟

為眾子

為兄弟之子女在室中

為嫡孫

為姑姊妹女在室者適人者同無夫子

女在室者為弟兄姪女在室同

婦人無夫子者為兄弟姪女及姊妹在室同

女為祖父母出嫁同

妾為其子 妾為其父母

庶子為其母謂嫡母在室

女適人為兄弟之為父後者

為人後者為其父母報服亦同

女適人者為父母

妾為嫡妻

為繼父之同居者

妾為主之衆子
舅姑為嫡婦

為夫親兄弟之子
男女同

齊衰五月

為曾祖父母

女為曾祖父母
出嫁同

齊衰三月

為高祖父母

女為高祖父母 出嫁同

為繼父不同居 謂先曾同居今不

大功九月 大功者以簋熟布 長殤

為同堂兄弟姊妹 在室同

為衆孫 女在室同

為女適人者

為姑姊妹適人者

女適人為兄弟姪 姑姊妹反姪女

出母為女

為人後者為其兄弟

報服亦同

女適人者為伯叔父母

報服亦同

為人後為其姑姊妹在室者

報服亦同

為夫之祖父母

為夫之伯叔父母

為兄弟子之婦

為夫兄弟子之婦

夫為人後者其妻為本生舅姑

為衆子婦

為子之長殤中殤男女同

為叔父之長殤中殤

為姑姊妹之長殤中殤

為兄弟之長殤中殤

為嫡孫之長殤中殤嫡曾玄孫同

為兄弟之子長殤中殤

為夫之兄弟之子長殤中殤男女同

小功五月小功者以稍麤熟布殤

為伯叔祖父母 為兄弟之孫

為兄弟之孫女在室者

為同堂伯叔父母

為同堂兄弟之子

為同堂兄弟之女在室者

為從祖姑姊妹之在室者報服亦同

為從祖祖姑之在室者報服亦同

為再從兄弟 為外祖父母

為同堂姊妹適人者報服亦同

為母之兄弟姊妹

報服亦同

為人後者為其姑姊妹適人者

報服亦同

為孫女適人者

為夫同堂兄弟之子

為夫兄弟之孫

妯娌相為服

為夫之姑姊妹在室者

適人同報服亦如之

為嫡母之父母兄弟姊妹

為庶母慈已者

為嫡孫之婦

母出為繼母之父母兄弟姊妹

為兄弟妻

報服亦同

為男女之下殤

為叔父姑姊妹兄弟之下殤

為嫡孫之下殤

為衆孫之長殤

男女同

為兄弟之子之下殤

男女同

為同堂兄弟姊妹之長殤

為人後者為其姑姊妹兄弟

之長殤

出嫁姑為姪之長殤

男女同

為夫兄弟之子下殤男女同

為夫之叔父之長殤

總麻三月總麻者以稍細熟布殤

為族兄弟為族曾祖父母

為兄弟之曾孫為族祖父母

為兄弟之曾孫女之在室者

為外孫男女同

為同堂兄弟之孫同堂兄弟之孫女在室同出嫁則無服

為再從兄弟之子再從兄弟之女在室同出嫁則無服

為曾孫玄孫

為從母兄弟姊妹

為舅之子

為姑之子

為族曾祖姑在室者

報服亦同

為族祖姑在室者

報服亦同

為族姑在室者

報服亦同

為從祖姑姊妹適人者

報服亦同

女適人者為同堂伯叔父母

報服同

庶子為父後者為其母

為從祖祖姑適人者

為人後者為外祖父母

為兄弟之孫女適人者報服亦同

為夫兄弟之曾孫

為夫同堂兄弟之孫

為夫再從兄弟之子男女同

為衆孫之婦

為庶母父之妻有子者

為乳母
為妻之父母報服亦同

為夫之曾祖父母

為夫之從祖祖父母

為兄弟孫之婦

為夫兄弟孫之婦

為夫之從祖父母

為同堂兄弟子之婦

為甥之婦

為夫之外祖父母

為外孫婦

為同堂兄弟之妻

為夫之舅姨

為夫同堂兄弟子之婦

為夫之從父兄弟之妻

為夫之從姊妹在室及適人者

為姊妹之子之婦

子為父母妻妾為夫改葬既葬

除之

為從父兄弟姊妹之中殤下殤

為衆孫之中殤下殤

男女同

為從祖叔父之長殤

為舅姊之長殤

為從祖兄弟之長殤

為從父兄弟之子長殤

為兄弟之孫長殤

為從祖姑姊妹之長殤

為人後者為其兄弟之中殤下殤

出嫁姑為姪之中殤下殤

男女同

為人後者為其姑姊妹之中殤

下殤

為人後者為從父母兄弟之長殤

為夫之叔父之中殤下殤

為夫之姑姊妹之長殤

准禮有三殤。年十九至十六為長殤。十五至十二為中殤。十一至八歲為下殤。長殤中殤降正服一等。下殤降長殤中殤一等。即生三歲至七歲者為無服之殤。其已娶已嫁則服之如成人。凡官民服色冠帶房舍鞍馬貴賤各有等第。上可以兼下。下不可以僭上。官員

任滿致仕與見任同。其父祖有官身沒
非犯除名不叙。子孫許居父祖房舍衣
服車馬。比父祖同有官者依品級。其
御賜者及軍官軍人服色不在禁例。

一房舍並不得施用重拱重簷樓房不
在重簷之限。職官一品二品廳堂七間
九架屋脊許用花樣獸吻梁棟斗拱簷
桶綠色繪飾。正門三間五架門綠油及
獸面銅鑲。三品至五品廳堂五間七架。

許用獸吻。梁棟斗拱簷桶青碧繪飾。正門三間三架。其門黑油。獸面擺錫鑲。六品至九品。廳屋三間七架。梁棟止用土黃刷飾。正門一間三架。黑門鐵鑲。庶民所居堂舍。不過三間五架。不用斗拱彩色彫飾。

一衣服並不得用金繡。五爪龍紋。官一品二品。服渾金花。三品四品。服金搭子。五品。服金袖膝襪。六品以上。許服四爪。

龍七品以下文官不許龍鳳文止服金
六花八品九品服金四花

一冠帶

職官一品至四品帽頂帽珠繫腰通
用金玉珠寶粧飾五品六品帽頂許
用金玉帽珠用珊瑚琥珀繫腰用金
銀犀角七品至九品帽頂許用銀或
鍍金帽珠用水晶琥珀繫腰用銀減
鐵以上帽子帽花許用製造字樣及

龍鳳紋靴子通用金線花樣。

職官妻女一品至三品服渾金衣。首飾釧鐲用金玉珠寶。四品五品妻女服金搭子衣。首飾用金玉珠。六品至九品服銷金衣。并金紗搭子。首飾用金珠。惟耳環許用玉珠。以上通用綵繡。

庶民男女衣服。並不得僭用金繡。許用紵絲綾羅綢絹素紗。金首飾一件。

金耳環一對。餘止用銀翠帽頂帽珠。並不得用金玉珊瑚琥珀。靴不得製造花樣金線粧飾。

一車輿並不得雕飾龍鳳紋。

職官一品至三品許用減金粧飾。銀鏤綉帶青幔。四品五品素獅頭繡帶青幔。六品至九品用素雲頭素帶青幔。轎子比同車製。

庶民車用黑油齊頭平頂皂幔轎子。

比同車製並不許用雲頭

一帳幔並不得用赭黃龍鳳紋

職官一品至三品許用金花刺繡紗
羅四品五品刺繡紗羅六品以下許
用素紗羅

庶民用紗絹羅

一傘蓋

職官一品二品銀葫蘆茶褐羅表紅
裏三品四品紅葫蘆茶褐羅表紅裏

以上皆三簷。五品紅葫蘆青羅表紅裏。六品以下。惟用青絹。皆重簷。兩傘通用油絹。

庶民並不得用羅絹涼傘。許用油紙雨傘。

一鞍轡並不許用雕飾龍鳳紋。

職官一品二品用金粧飾。三品至五品用銀。六品以下。惟用礪石減鐵。庶民不得描金。惟用銅鐵粧飾。

一器皿不許造龍鳳紋。

職官一品二品許用金玉三品至五品惟酒盞用金六品以下酒盞用銀庶民惟酒盞用銀餘並禁止。

一墳塋石獸

職官一品塋地九十步墳高一丈八尺二品塋地八十步墳高一丈四尺三品塋地七十步墳高一丈二尺以上石獸並六四品塋地六十步五品

塋地五十步。墳高八尺。以上石獸並
四六品塋地四十步。七品以下二十
步。墳高六尺。以上去步皆從塋心各
數至邊。五品以上許用碑龜趺螭首。
六品以下許用碣方趺圓首。
庶人塋地九步。穿心一十八步。止用
壙誌。

一品官服色鞍轡等物。除官府及應用
之家。許令織造。外其私下與不應用

之家製造者。工匠依律治罪。

一民間房舍。須要並依令內定式。其有僭越雕飾者。剗平。彩粧青碧者。塗土黃。其斗拱梁架。成造歲久。不須改毀。今後蓋造違禁者。依律論罪。

一內使官帽。已有定製。服色比同七品。
一校尉。尅期鍍金束帶。象牙絛環。已有定製。服色同八品。

一諸衙門掾令史宣吏書吏奏差服色。

各依出身應得品級服用。

凡朝賀聽

詔進

表入班之際。偶值雨雪。許便服行禮。

凡民間嫁娶。並依朱文公家禮。

凡國學生員。一品至九品文武官子孫。弟姪年一十二歲以上者。充補。以一百名為額。民間俊秀年一十五歲以上。能通四書大義。願入國學者。中書省。

聞奏入學。以五十名為額。

凡文武官員。輸忠効力。歿於

王事者。於見授品級上陞二等褒贈。其子降父實授品級一等承襲。歿於鋒鏑者。於見授品級上陞三等褒贈。其子對實授品級承襲。無子者。於應襲人內降等錄用。所在官司立廟。歲時致祀。

凡三皇廟祀。春祭三月三日。秋祭九月九日。配饗禮儀。並依定式。在京牛羊等

物。各府州縣祭物。官給米叁石。

凡社稷等祀。春祭二月上戊日。秋祭八

月上戊日。祭社稷於西南郊。立春後丑

日。祭風師於東北郊。立夏後申日。祭

雷師

雨師於西南郊。其壇壝石主。並依舊儀。在

京官給祭物。各府州縣祭社稷。官給米

三石。風雷雨師。官給米各二石。

凡武成王廟祀。在京。春祭二月上戊日。

秋祭八月上戊日。用牛羊等物致祭。

凡孔子廟祀春祭用二月上丁日秋祭
八月上丁日配享禮樂並依定式在京
用牛羊等物各府州縣祭物官給米三
石。

凡封贈等第

正從一品封贈三代

爵國公

勲正上柱國
從柱國

母妻並國夫人

正從二品封贈二代

爵郡公

勲正上護軍
從護軍

母妻並郡夫人

正從三品封贈二代

爵郡侯

勲正上輕車都尉
從輕車都尉

母妻並郡夫人

正從四品封贈父母

爵郡伯

勲正上駙都尉
從駙都尉

母妻並郡君

正五品封贈父母

爵縣子

勲雲騎尉

母妻並縣君

從五品封贈父母

爵縣男

勲武騎尉

母妻並縣君

正從六品封贈父母

父止用散官 母妻並恭人

正從七品封贈父母

父止用散官 母妻並宜人

凡公侯伯子男五等封爵其功勲大臣止封公爵百年後許封侯爵

兵令

凡府州縣額設祗候禁子弓兵於該納稅糧三石之下二石之上人戶內差點除納稅糧外與免雜泛差役毋得將糧多人戶差占

應天府

祗候二十名

禁子三十名

各府以秋糧為額

二十萬石之上

祇候二十名

禁子一十五名

一十萬石之上

祇候一十八名

禁子一十三名

一十萬石之下

祇候一十五名

禁子一十二名

各州縣以秋糧為額

一十萬石之上

祇候一十五名 禁子一十名

弓兵三十名

五萬石之上

祇候一十三名 禁子八名

弓兵三十名

五萬石之下

祇候一十名 禁子七名

弓兵三十名

州縣所屬巡檢司設弓兵三十名

沿江巡檢司設弓兵一百名

凡水站使客通行正路。每站設船一十隻。使客分行偏路。每站設船五隻。每船一隻設水夫一十名。於舊額有糧站戶內點充。除稅糧外。其餘雜泛差役。並行優免。如舊額站戶不敷。於有司相應人戶內納糧五石之上。十石之下。差充。不拘一戶二戶相合。俱驗所納糧之數。計日應當。

凡急遞鋪每一十五里設置一所。每鋪設鋪兵四名。鋪司一名。於附近有丁力糧近一石五斗之上。二石之下者。點充。須要少壯正身。與免雜泛差役。

每鋪置備下項什物

十二時辰輪子一個

紅綽屑一座并牌額

鋪曆二本

上司行下一本
各府申上一本

遇夜常明燈

鋪兵每名合備什物

夾板一副

鈴攀一副

纓鎗一副

油絹三尺

軟絹袍袂一條 箬帽簾衣各一件

紅悶棍一條

回曆一本

互見職掌兵部

凡新附城郭鎮市鄉村軍官軍人。不得指以招安為名。影占民戶。及掠奪財物。強占房屋舍宇。逼取妻女。違者究治。凡軍民以籍為定。軍官頭目。無得巧立

名色徑行勾捉百姓充軍。民戶亦不得
詐稱各官軍人貼戶躲避差役。果有在
逃軍人在內申奉大都督府。在外申奉
行中書省明文方許勾取。

凡有軍情。在外各府軍民官司申行省
行移各道按察司行省。一咨中書省。一
咨大都督府。各道按察司申御史臺。在
內直隸都督軍民官司。一申中書省。一
申大都督府。一申御史臺。省府臺各自

聞奏如都督府御史臺與中書省互相知會。

隱匿不速

聞奏者以姦臣論罪。輕者流竄。炆瘴。重者處以極刑。

凡出使人員關支分例。應今將帶從人名數。一品十從。二品八從。三品四品六從。五品四從。六品七品三從。八品九品二從。掾史令史書吏知印宣使奏差二從。軍官不在此限。其水站乘船。正官一

名許帶行李二百斤。從人一名。許帶行李五十斤。馬站馳驛。每馬一疋。稍帶行李。不過一十斤。馳馱馬一疋。不過六十斤。多餘夾帶者。俱以不應論罪。

凡各處城樓窩鋪。腹裏有軍城池。每二十丈置一鋪。邊境城池。每十丈置一鋪。其總兵官。隨機應變。增置者。不在此限。無軍處所。有司自行設置。常加點視。毋致踈漏。損壞。提調官任滿。得代相沿交。

割違者治罪。

凡經過使客正官一名支分例米三升，
從人一名支米二升，宿頓使客正官支
米五升，從人支米三升，水路俱支經過
分例，陸路遇晚關宿頓分例。

凡軍民但有公私營幹，在內並令兵馬
指揮司出給文引，在外軍人告給行省
管軍官及指揮司文引，百姓告給所管
州縣文引，各處把截官辯驗明白，然後

放行軍人出離信地百里之外無文引者同逃軍論

凡各站有分例去處所在有司於商稅及諸色課程內撥留糧米差點有役人員掌管遇有使客依例支給不許稽停支過數開申合于上司

刑令

五刑

笞罪五等

一十 二十 三十 四十 五十

杖罪五等

六十 七十 八十 九十 一百

徒罪五等

該杖一百二十者杖一百加徒一年

該杖一百四十者杖一百加徒一年

該杖一百六十者杖一百加徒二年

該杖一百八十者杖一百加徒二年

該杖二百者杖一百加徒三年

流罪三等

二千里 二千五百里 三千里

死罪二等

絞

斬

十惡

一曰謀反

二曰謀大逆

三曰謀叛

四曰惡逆

五曰不道

六曰大不敬

七曰不孝

八曰不睦

九曰不義

十曰內亂

八議

一曰議親 二曰議故 三曰議功
四曰議賢 五曰議能 六曰議勤
七曰議貴 八曰議賓
已上有犯罪者。條具所犯

奏請

上裁其犯十惡者不用此令。

贖刑

笞一十。贖銅半斤。

杖一十。贖銅一斤。

徒一年。贖銅一百二十斤。

徒一年半。贖銅一百四十斤。

徒二年。贖銅一百六十斤。

徒二年半。贖銅一百八十斤。

徒三年。贖銅二百斤。

流二千里。贖銅二百二十斤。

流二千五百里。贖銅二百四十斤。

流三千里。贖銅二百六十斤。

凡年七十以上十五以下及篤廢殘疾
犯笞杖徒流者聽贖。若有教令之人罪
坐教令者其犯奸盜死罪并十惡者不
用此令。犯徒流之罪有祖父母父母年
及八十已上別無以次侍丁者依例斷
決留養。

獄具

枷長五尺五寸。頭闊一尺五寸。死罪
重二十五斤。流罪二十斤。杖罪一十

五斤。皆以乾木為之。長短輕重刻誌其上。

枷長一尺六寸。橫闊三寸。厚一寸。

鐵索長一丈。鐐連鑲重三斤。

笞大頭徑二分七厘。小頭徑一分七厘。長三尺五寸。

杖大頭徑三分二厘。小頭徑二分二厘。長三尺五寸。

訊杖大頭徑四分五厘。小頭徑三分

五厘長三尺五寸。

已上笞杖皆須削去節目用較板如法較勘毋令筋膠諸物裝釘應決者並用小頭其決笞及杖者臀受拷訊者臀腿分受其犯重罪賊證明白抗拒不招者衆官圍坐明立案驗方許用訊。

凡犯罪六十以下各縣斷決八十以下各州斷決一百以下各府斷決徒流以

下。申聞區處。

凡各衙門首領官。果有過犯。自有常憲。本衙門正官。毋得擅問。

凡各府推官。職專理獄。通署刑名文字。不預餘事。凡有解到罪囚。必先推詳實情。然後圓審。各衙門不許差占。

凡各府司獄。專管囚禁。如有寬濫。許令檢舉申明。如有本府不唯。直申憲司。各衙門不許差占。府州縣牢獄。仍委佐貳。

官一員提調其男女罪囚。須要各另監禁。司獄官常切點視。州縣無司獄去處。提牢官點視。若獄囚患病。即申提牢官驗實。給藥治療。除死罪枷杻外。其餘徒流杖罪囚人病重者。開跡枷杻。令親人入視。答罪以下。保管在外。醫治病痊。依律斷決。如事未完者。復收入禁。即與歸結。

凡詞訟事干兩處州縣者。元告官司申

牒被告府分歸結。

凡訴訟皆須自下而上明注年月指陳實事不得稱疑誣告抵罪及坐越訴者以不應論拘談官司如應受理而不為受理者許赴上司陳告。

凡鬪毆詞訟犯人依律保辜若有招罪重者依法監禁罪輕者保管在外其餘元告證佐干連人等毋令隨衙妨廢生理違者究治。

凡鞫問罪囚。必須依法詳情推理。毋得非法苦楚。鍛鍊成獄。違者究治。

凡所在重刑。須要追勘。一切完備。在京申御史臺。在外從監察御史提刑按察司審錄。無冤有司結案待報。若犯人番異。或家屬稱冤。聽牒移准。

凡六品以下官員犯賊罪至徒流者。臺憲就便斷罪。外其餘干係嚴重罪名。并五品以上。追問明白。

奏聞區處雜犯六品以下行省按察司斷決

五品以上移文會議申臺

奏聞

凡軍官有犯取受在內除都督府官并各衛指揮千戶從御史臺

奏聞六品以下議擬施行在外監察御史巡歷去處軍官有犯取受者密切實封呈臺

奏聞區處施行

凡犯罪者二罪俱發以重者論罪相等者從一科斷。

凡年老及篤廢殘疾之人除告謀反叛逆及子孫不孝聽從赴官陳告外其餘公事許令同居親屬通知所告事理的實之人代告誣告者罪坐代訴之人。凡婦人有犯奸罪去衣受理餘罪單衣斷決並免徒流刺字。

凡差使人員不許接受詞狀審理罪囚。

違者以不應論

凡竊盜已經斷放或徒年後滿並仰原籍官司收充警跡其初犯刺臂者二年無過所在官司保勘除籍起去原刺字樣若係再犯刺臂者須候三年無過依上保勘有能拿獲強盜三名竊盜五名者不限年月即與除籍起刺數多者依常人一體給賞

凡常人捕獲強盜一名竊盜二名各賞

銀二十兩。強盜五名以上。竊盜十名以上。各與一官名數。不及折筭。賞銀應捕人。不在此限。強竊盜賊止。追正賊給主。無主者沒官。若諸人典當收買盜賊贓物。不知情者勿論。止追原贓。其價於犯人名下追徵給主。

凡犯罪未發而自首。告免其罪。輕罪雖發。因首重罪者。止坐輕罪。自首有不盡不實者。坐以不盡不實之罪。至死者減

一等其於人損傷於物不可賠償事發逃亡及奸者不在自首之例。

凡職官犯罪四十以下標附過名還職五十解任離職杖六十降一等七十降二等八十降三等九十降四等俱解見任流官於雜職內叙用雜職於邊遠叙用其官吏犯公罪至九十者不在解見任之限止標附過名杖一百者無問公私罪犯並不叙。

凡檢屍圖式各府刊印每副三幅編立
字號半印勘合發下州縣如遇初復檢
驗屍傷劃時委官將引首領官吏仵作
行人親詣地所呼集應合聽檢人等眼
同仔細檢驗定執生前端的致命根因
依式標注署押一幅付苦主一幅粘連
附卷一幅繳申上司其初復檢驗官司
行移體式並依已行舊制

凡家人共盜並依凡盜首從科斷

謂父
子兄

角之類一
同行盜者

凡強竊盜賊未發而自首及於事主處
首露者免罪若能捕獲同伴者依常人
一體賞再犯及侵損於人者不准首
凡計贓以銅錢四伯文為一貫

凡竊盜衆人盜一家財物者併贓論若
盜二家以上者從一家贓多者論

凡以蔽前事告言人罪者以其罪罪之
若係干錢糧婚姻田土事須追究雖已

經赦必合改正徵收者不拘此例。

凡取受未發覺悔過還主者即同自首。
凡竊盜已離盜所事主追逐因而拒捕。
被事主殺死者須驗事主在身有傷依
律勿論若無所傷有司體勘其賊是否
警跡為盜之人與事主有無讎嫌明白
歸斷。

凡各處知府知州知縣有犯公罪笞四
十以下者許令贖銅。

凡犯籍沒者除反叛外其餘罪犯止沒田產孳畜

凡訴訟之人有司置立口告文簿一扇選設書狀人吏一名如應受理者即便附簿發付書狀隨即施行如不應受理者亦須書寫不受理緣由明白附簿官吏署押以憑稽考

凡減罪之法三死三流各同一減

如犯死罪

減二等即坐流三千里減二等即坐徒二年犯三等者減一等亦坐徒三年之類

大明律
卷一
凡今後若遇

國家赦恩。除見禁未曾斷決罪囚。該赦者並行釋放。其有已經斷決徒流。及遷徙煙瘴地面安置之人。即係已絕事理。除徒役候年滿放回外。其餘流遠安置之人。並不許放還。

凡同居大功以上親。及外祖父母。外孫。若孫之婦。夫之兄弟。及兄弟妻有罪。許相容隱。或奴婢為本使者。亦勿論。其小

功以下相隱減凡人三等。犯謀反惡逆不用此令。

凡殺人償命者徵燒埋銀一十兩不償者徵銀二十兩應償命而遇赦原者亦追二十兩同謀下手人驗數均徵給付死者家屬。

凡在官受賊去官事發前任受賊改除事發並依見任追斷。

凡犯流罪者妻妾家屬父母子孫願隨

者聽移鄉人家口准此若流移人身喪
雖經附籍願還鄉者聽若謀叛造蠱及
雖殺人者家口不在聽還之例

凡計贓者皆據犯處當時物價若計傭
賃器物為贓者亦依犯時價值其傭賃
雖多不得過本物之價

凡以贓致罪者彼此俱罪之贓沒官用
強生事逼取之贓給主

凡諸人自縊溺水身死別無他故親屬

情愿安葬。官司詳審明白。准告免檢。若事主被強盜殺死。苦主告免檢者。官為相視傷損。將屍給親埋葬。其獄囚患病。責保看治。而死者情無可疑。亦許親屬告免檢。復外據殺傷而死者。親屬雖告不聽免檢。

凡犯罪自首之人。若法許容隱。親代首者。與自首同。其罪人不自首。而父首子弟。首兄尊長。首有服卑幼。皆如罪人身。

自首法卑幼告訐尊長者與犯人自首同仍依干名犯義例科卑幼罪

凡僧尼道士犯罪經斷並令還俗當差凡家人共犯止坐尊長侵損於人各依凡人首從論

凡籍沒犯人家產田地內有祖先塋墳者不在抄劄之限

凡犯罪應令籍沒家產除謀反叛逆外其餘遇革者革前未曾抄劄到官革後

原免。革前已抄劄者沒官。

凡故殺子孫。若遇謀故殺人不赦者。依律科斷。其誣賴於人。遇革者所誣之人。罪若該原犯人。止從故殺子孫科斷。如所誣之人。罪不該原。亦從重論。

凡竊盜遇赦。並免刺字。

凡但犯強盜謀故殺人。遇赦不赦。其起內有犯杖罪者。依律斷決。其不係同謀上盜之人。擬合釋放。

凡軍官軍人犯罪談徒流刺字者止決合斷杖數並免徒流刺字依舊充軍。如有犯談死罪者議擬

聞奏取自

上裁。

凡軍官犯賊杖罪者依例降等隨即叙用至徒流者充軍。建立事功依例擢用至死罪者議擬

聞奏取自

上裁。

凡官吏人等取受以一事而受數家財物者止以一家贓重者坐罪

凡馬牛老病不堪為用告給判狀方許宰殺筋角納官不告官者同私宰論病死者申官開剥違者治罪。

凡民官月俸錢米相兼罰俸止罰俸錢軍官月支全米如遇罰俸合與民官一體扣筭追罰俸錢

凡告事者告人祖父不得指其子孫為證告人兄不得指其弟為證告人夫不得指其妻為證告人本使不得指其駁奴婢為證違者治罪。

凡親戚勲舊文武大臣之家但號家人伴當犯罪止坐犯人諸衙門依律取問占愆不發者犯人於所犯罪上加一等斷罪若係干重事不發者

聞奏。

凡

特旨臨時處決罪名不著為律令者大小衙門不得引比為例若輒引比律致令罪有輕重者以故入人罪論

凡諸奸邪進讒言左使殺人者雖遇大赦不在原免

凡

律令自頒降日為始若犯在以前者並依新律議斷

凡牢獄禁繫囚徒年七十以上十五以下廢疾散收。輕重不許混雜。枷扭常湏洗滌。蓆薦常湏鋪置。冬設煖匣。夏備涼漿。無家屬者。日給食米一升。冬給絮衣一件。夜給燈油。病給藥醫。並於本處有司。係官錢糧內支散。獄司預期申明。關給母致缺悞。有官者犯私罪。除死罪外。徒流銷收。杖罪以下散禁。公罪自流以下。皆散收。司獄官常切拘鈴。獄卒不得

苦楚囚人提牢官不時點視違者禁子
嚴行斷罪獄官申牒上司究治

凡犯罪時未老疾而事發時老疾者依
老疾論犯罪幼小事發時長大依幼小
論

凡婦人除犯惡逆奸盜殺入入禁其餘
雜犯責付有服宗親收領聽候一應婚
姻田土家財等事不許出官告狀必須
代告若夫亡無子方許出官理對或身

受損害無人為代告許令告訴

凡誣告者抵罪反坐告二人以上但誣告一人者隨其輕重抵罪告二事以上重事告實輕事招虛或衆事罪等但一事告實者皆免罪若告二事以上輕事告實重事招虛或告一事誣輕為重者笞杖徒流皆反坐所剩

誣告合杖罪為徒罪或誣告合杖徒罪為流罪或誣告合近流為遠流者皆反

坐所剩徒一年折杖二十。半年加一等。
流三等亦各折杖二十。誣告合杖徒流。
為死罪者反坐以死。

凡官吏於訴訟人內。關有服親及婚姻。
之家。并受業師及舊有讎嫌之人。俱合
迴避。

凡徒役

湖廣省所屬

江北府州縣發興國鐵爐拘役。

江南府州縣發黃梅鐵爐拘役

江西省所屬

江東府州縣發新喻鐵爐拘役。

江西府州縣發進賢鐵爐拘役。

浙江省所屬犯徒者發兩淮鹽運司
所屬鹽場拘役。

江淮省所屬犯徒者發兩浙鹽運司
所屬鹽場拘役。

直隸府州

江北府州縣發兩浙鹽運司所屬
鹽場拘役。

江南府州縣發兩淮鹽運司所屬
鹽場拘役。

凡官吏犯贓至流罪者不問江南江北
並發兩廣福建府分及龍南安遠汀州
漳州煙瘴地面安置其上項煙瘴地面
附近州府之人犯贓並發迤北邊塞處
所。

凡江南府分里長犯贓罪至徒者除湖廣行省所轄府分及九江南康池州等府依律徒役外其餘去處里長依律斷訖將本人見種田土沒官連同居共爨家小遷徙江北地面住坐照依所沒田地頃畝數目撥付荒田為業耕種

工令

凡各處官司雜造軍器軍裝等物須要鋒利堅固堪中支用局官常切比較工

程合用材料從實申請置簿開寫以憑
稽考提調正官嚴加點檢但有不堪究
治追陪

几局院成造段疋務要緊密顏色鮮明
丈尺斤兩不失原樣局官常切比較工
程合用絲料從實申請提調正官嚴加
提督但有不堪究治追陪